

Co GALEGO no

CORAZÓN



Ilustración de Xulia Piñón

FACEMOS REVOLUCIÓN

2026

correlingua 

ORGANIZAN:



A MESA POLA NORMALIZACIÓN LINGÜÍSTICA



COLABORAN:





Rolda de prensa - Presentación do Correlingua 2026

Data: 17 de marzo de 2026

Hora: 11:00 h

Lugar: Concello de Santiago de Compostela, sala de prensa

O vindeiro **17 de marzo**, terá lugar a presentación oficial da **26ª edición do Correlingua 2026**, que celebrará as súas andainas e festas ao longo do mes de maio. A rolda de prensa terá lugar no **Concello de Santiago de Compostela**, na súa sala de prensa, e contará coa presenza de diversas personalidades que explicarán os detalles deste importante evento cultural e educativo, centrado na defensa e promoción do galego entre a mocidade.

Asisten:

- **Goretti Sanmartín**, alcaldesa do Concello de Santiago de Compostela
- **Laura Arroxo**, secretaria nacional da CIG-Ensino
- **Xacobe Rodríguez**, coordinador nacional do Correlingua
- **Marcos Maceira**, presidente A Mesa pola Normalización
- **Ana Rodiño**, representante AS-PG

Lema Correlingua 2026: Co galego no corazón, facemos revolución

(proposta gañadora enviada por 1º de Actividades de Panadaría e Pastalaría do CIFP de Vilamarín - Ourense)

Edición nº 26

Cartel realizado pola ilustradora Xulia Pisón



Calendario das Festas Correlingua

Maio de 2026

SANTIAGO DE COMPOSTELA Martes 5 – Alameda

A CORUÑA Mércores 6 – Torre de Hércules

MOAÑA Xoves 7 – Palco da Música - A Xunqueira

LALÍN Venres 8 – lugar por concretar

A ESTRADA Martes 12 – Praza do Concello

MONFORTE Mércores 13 – Praza dos Condes

NARÓN Martes 19 – Pazo da Cultura

OURENSE Mércores 20 – Auditorio Municipal e Praza Maior

A MARIÑA Mércores 20 – lugar por concretar

PONTEVEDRA Xoves 21 – lugar por concretar

VIGO Venres 22 – Parque de Castrelos

LUGO Mércores 27 – Pza de Santa María

Para asistir ás festas os centros teñen que cubrir a folla de inscrición na web do Correlingua.
O prazo de inscrición remata o 24 de abril.



MANIFESTO CORRELINGUA 2026 **CO GALEGO NO CORAZÓN, FACEMOS REVOLUCIÓN**

Chegou a hora da revolución! E é cousa nosa. Das mozas e mozos que saímos ás rúas para defender a lingua con amor e intelixencia.

Chegou a hora! Porque...

CO GALEGO NO CORAZÓN, FACEMOS REVOLUCIÓN

Unha revolución que é nosa porque somos presente e futuro da lingua. Porque queremos ser diversidade, empatía e respecto.

Porque nos preocupamos pola nosa cultura. Polo noso legado. Polo noso territorio. Pola nosa educación.

Porque non permitiremos que ningunha lingua deixe de latir. E menos aquela que nos fai galegas e galegos.

Aquela que fala de onde vimos e a onde queremos chegar.

E ti tamén podes unirse á esta revolta. E dicir sen vergoña:

CO GALEGO NO CORAZÓN, FACEMOS REVOLUCIÓN

Ti, que non o falas todos os días, pero sabes falalo.

Ti, que o levas pegado na alma.

Ti, que o falas pero non en todos os sitios.

Ti, que queres aprendelo porque ves o mundo dende a curiosidade.

Ti, que aínda non sabes que unha lingua pode medrar no teu peito.

Ti, que non tes prexuízos.

Ti, que rompes cos prexuízos.

Ti... podes ser o futuro.

E berrar ben forte, para que todo o mundo escoite:

CO GALEGO NO CORAZÓN, FACEMOS REVOLUCIÓN

E tamén vós, que coidades, ensinades, decidides e informades.

Vós, que abrazades e transmitides. Que podiades pasar, pero non pasades. Que vos preocupades polo noso porvir.

Tamén vós podedes unirvos a esta marcha imparable, necesaria e xusta.

E podedes falar para que ningunha lingua quede muda. Para que se escoite ben lonxe que:

CO GALEGO NO CORAZÓN, FACEMOS REVOLUCIÓN

Pois a revolta máis poderosa é a que nos fai ser nós.

E CO GALEGO NO CORAZÓN FACEMOS REVOLUCIÓN.



Este manifesto é o resultado dos obradoiros 'Desata a lingua' celebrados no 2025 no que participaron alumnas e alumnos do IES Antón Fraguas (Santiago), CPI Virxe dos Remedios (Castro Caldelas), IES Xermán Ancochea Quevedo (A Pobra de Trives), IES Sanxillao (Lugo), IES do Camiño (Palas de Rei), IES de Ribadeo Dionisio Gamallo (Ribadeo), IES Eduardo Pondal (Ponteceso), IES Isidro Parga Pondal (Carballo), IES do Milladorio (O Milladoiro), IES Rosalía de Castro (Santiago), CPI de Mosteiro (Meis), IES Alfonso X O Sabio (Cambre), IES Xograr Afonso Gómez (Sarria). Os obradoiros foron impartidos polas escritoras María Lado, Lucía Aldao e Antía Yañez.

O Correlingua ten actividades todo o ano nas que pode participar o alumnado:

A procura do Lema!

Cada ano os centros participan propoñendo o lema do Correlingua. Este ano, primeiro trimestre do curso 2025-2026, **participaron 56 centros de todo o país cun total de 1.834 alumnos e alumnas que enviaron 190 propostas.** O lema gañador 'Co galego no corazón, facemos revolución' foi unha proposta do alumnado de 1º de Actividades de Panadaría e Pastelaría do CIFP de Vilamarín (Ourense).

Regueifando!

Facemos unha gran regueifa colectiva.

Enviámos un tutorial, crean e gravan 3 coplas na aula e mándase ao seguinte centro para que o continúe.

Dende xaneiro hai aulas traballando a Regueifa e creando coplas

Nesta edición do **2026 participan 37 grupos doutros tantos centros de ensino de toda Galiza cun total de 1.273 alumnos e alumnas.**

En maio quedará editado o vídeo que recolle todas as coplas.

Desata a lingua

Obradoiros de escrita creativa impartidos por escritoras en aulas de 1º e 2º da ESO

Desde hai xa catro edicións comezamos con estes obradoiros coa intención de elaborar un manifesto colectivo. O manifesto desta edición é o resultado dese traballo feito nos centros no primeiro trimestre do curso 2025-2026

Os obradoiros que se farán no último trimestre do 2026 darán como resultado o manifesto do Correlingua 2027.



Crealingua

Convocatoria creación artística en galego.

É unha convocatoria libre de creación artística en galego, unha actividade que converte o Correlingua nunha ferramenta máis para promover o uso do galego no curso escolar.

Aberto a todas as disciplinas artísticas: vídeo, banda deseñada, radio, podcast, TikTok... ou calquera outro formato.

Prazo de recepción: ata 31 de maio de 2026.

Cantalingua

Convocatoria de música en galego.

Os grupos musicales que participaron enviando **unha canción en galego** foron 28.

Os grupos gañadores que animarán as Festas do Correlingua 2026 son: Mekánika Rolling Band, Sniff & Crash e Zeltia Irevire.

ENTIDADES COLABORADORAS

ENTIDADE ORGANIZADORA: A CIG - Ensino

Coa colaboración de A Mesa pola normalización Lingüística e a AS-PG

ENTIDADES PATROCINADORAS a través de convenios:

Deputacións da Coruña, Lugo, Ourense e Pontevedra

Concellos da Coruña, Lugo, Ourense, Pontevedra, Vigo, Santiago e Ferrol

Outros concellos que colaboran por celebrarse alí as festas ou que facilitan o traslado do alumnado aos concellos de celebración como Moaña, Bueu, Cangas, A Estrada, Lalín, San Sadurniño, Fene, Narón, Ponte Caldelas...